

國家圖書館分館編

清代孤本方志選

(第二輯第二十一冊) 江西

吉安府永豐縣志〔順治〕六卷

贛石城縣志〔順治〕十卷

明 永豐縣縣令吳期炤纂輯

清 永豐縣縣令鄧秉恒重校

邑人

涂拔尤 陳可

李開甲 陳思 補輯

人物志

昔聖志人物首推英分此存乎揮斥八極而非

以彙覽一方也永豐承文忠文毅之教澤賢哲代

起雋達踵接或從理學闡心性之微或以文章起

華秀之靡或治績炳朗或品行端方或批鱗抗節
而聲流青史或竭力致命作忠孝軌則以至閭巷
小民聞帟英秀聞風慕義亦皆慷慨堅貞芳懿不
朽後之覽者讀遺編而知勸矣仙釋雖居方外然
朱霞白鶴卽在天半觀者美之不可以無紀也故
述人物志



歐陽修子永叔歐陽觀之次子也其先唐太子率
琮爲吉州刺史又八世生萬衡爲

吉之安福令或居廬陵因家焉觀祖徙居吉水至
和中析吉水爲永豐觀卽生於豐後生修四歲而
孤母韓國夫人鄭氏以荻畫地教書字家貧無資
從隣里借書讀或手抄之抄未竟而讀成誦與呂
師魯偕爲古學天聖中舉進士兩試國子監試禮
部皆第一補西京留守推官召試學士院生平風
節自持天資勁直見義勇爲面折人非會范仲淹
以陳時政忤宰相貶饒州諫官高若訥不言貽書
責之若訥以聞貶峽州夷陵令范公復起經略陝

西陲公掌牋奏一時士樂從者衆公獨嘆曰吾初
論范公豈以爲已利哉辭不就陝西用師上三策
以揣敵情又上䟽言三獎五事請移兵就食河濱
奏罷十事以寬民力仁宗朝增諫官召修知諫院
屢召對多引用正人給二府筆札令具條論夏竦
等懼造爲黨論指杜衍范仲淹富弼韓琦及修爲
黨人修乃上朋黨論降知制誥知滁州仁宗曰奏
事論及當時人才歐陽修何處得來皇祐初復罷
同知直學士旋丁大夫人憂服除合判吏部流內

銓小人忌修大用僞爲公疏汰內臣楊永德以差
船及引見胡宗堯事遂出知同州物論不平修常
言平生爲學惟平心無怨惡爲難未常挾喜怒以
爲意及朝辭上曰休去同州且修唐書入翰林爲
史官判三班院時河患告甚陳恭公在相位欲塞
商胡修止之不聽及河決復如修議保州兵叛修
出經畫河北卒無事在密院爲屯戍地理圖籍之
法羣盜王倫張海起修條陳按察六事遂平諸盜
淮南轉運使呂紹寧進羨餘十萬修乞拒之以彰

朝廷恤外不事培植克嘉祐二年知貢舉天下溺於
章句聲律修一變爲古文拔蘇軾蘇徹於西川在
政府協定大政不恤浮議韓魏公當國諸公聚議
事有未可修力爭之英宗時濮王議起誣修爲主
議呂誨等彈奏青苗法行修屢抗章請致政除公
觀文殿學士太子少師致仕特進勲上柱國食
邑四千三百戶年六十一自號六一居士六十四
薨於汝陰之私第天子聞之一日不視朝贈太子
太師初謚文常勅曰修有定策之功加以忠謚

忠而求其書於家撰唐書記十卷志書十卷表十
五卷又撰五代史七十四卷易童子問三卷詩本
十四卷居士集五十卷歸榮集一卷外制集三卷
內制集八卷奏議十八卷四六集七卷集古錄跋
尾十卷雜著十九卷作本論云佛所以爲吾患者
乘其闕廢之時而來此受患之本也使王政明而
禮義克則雖有佛無所施於吾民矣故仁義之說
勝則楊墨之學廢孔氏之道明而百家之議息李
清臣有曰修生平論撰文章務明堯舜孔孟之教

於已壞之後可謂道德博聞韓琦撰誌曰天下正人節士知公之亾罔不痛失依仰蘇軾叙其集曰學者以韓愈配孟子愈之後百有餘年而得歐陽子其學推韓愈孟子以達於孔氏天下翕然師尊之

明 羅倫字彝正號一峯武岡教授開禮之後年七歲通讀童蒙諸書甫十四卽授徒於鄉以資養莊重嚴毅師道卓然十五補郡庠弟子員卽厲志聖賢之學嘗曰舉業非能壞人人自壞之耳知府張瑄

嘉其學行命有司周其貧倫謝不受丁內艱居制
如禮景泰丙子領鄉薦癸未赴春官場屋災倫拔
垣呼曰吾平生無毫髮得罪於天今乃至此如吾
親何須臾垣上一老人以杖提而出比招老人謝
之不見未幾丁外艱奔喪執禮如初成化丙戌登
進士第一處女萬言指切時弊中引程正公言人
主一日之間接賢士大夫之時少親宦官宮妾之
時多執政欲節去下句公不從拜官翰林修譔會
內閣大學士李賢遭喪朝廷留之倫詣其私第告

以不可賢始以其言爲然旣數日倫察其無去意
上扶植綱常疏歷陳古今起復之非且曰如其不
然必準富弼故事終喪劉拱故事言事反復數千
言遂謫泉州市舶提舉公雖見逐而士論益榮之
自是臺省少起復者明年召還復修撰改南京時
友人章懋莊臬黃仲昭陳莊同官於南相與講明
道學慨然有繼往開來之志自楊東里作相以百
官祿薄令得受皂隸錢自是遂以爲例獨公不受
公名重天下所至人必相率而觀之惟武臣俗吏

皆知敬仰有奏事者詞連公法當下錦衣獄鎮撫
官曰羅先生可至此乎卽日鞠成讞之公遂得免
尋以疾辭歸辟金牛書院設帳授徒日以註經爲
業結茅栖息取給隴畝往來共樵牧若無意於人
世者居家以四禮敦勉族屬申以律令治喪痛革
浮屠人多化之平生嗜學好古篤志力行避惡若
浼聞善若驚負高世之識推其意自以天下事無
一非其所當爲者嘗欲倣古置義田以贍族人或
助之堂食之錢謝不受或衣之衣遇乞人死於途

輒解以覆之客晨至留飯妻語其子曰瓶粟罄矣
之旁舍干之比舉火日已近午亦曠然不以爲意
在金牛作二銘置諸座右東曰靜觀西曰正密四
方樞衣來學者日衆戊戌九月卒於金牛洞年四
十八歲疾革時示門人曰人之爲學易簣之際始
驗怡然而逝自御賜袍服外他無所存至不能爲
殮門人故友助以衣棺始克塋悼祭者日數百人
四方赴吊者三載不絕新會陳獻章曰世之知倫
者不過以其奇偉之節果敢之氣滂沛之文而已

至其聖賢之學經濟之才心之所欲爲而力之所
未逮皆未盡知也又曰倫才大不及志其青天白
日足稱云莊定山曰孤忠大節文文山爲宋一人
高風直氣羅一峯爲今一人所著有五經疏義一
峯集行於世正德十六年詔贈諭德謚文毅

○聶豹字文蔚號雙江家貧力學舉正德十二年進
士授知華亭縣立法行政自其身始首革積胥宿
猾侮法剝民之弊查追私侵蠲征銀一萬八千兩
有奇以補民間積逋上下稱快濬築水利清理餘

田以補民間墾荒在邑三年積穀至二十萬石
崇民至三千餘戶先生才既高縣事蠲集應手
判情法允當豪右屏息尤以興學育才爲急時
師存齋徐公在諸生中方弱冠先生試其文卽以
台輔期之諸生執經受業入陶宅者後多爲名士
召入爲御史才數月三上疏指斥大闕一制及部
卿不職皆人所難言者按應天稽察馬八乃往謁
陽明王公于越聞良知之說遂銳然以一人爲必
可至其後以書問學王公深歎其任道八勇已乃

按閩邦鎮守中貴之冒費劾罷建章守令之貪黷
計擒海上鉅寇而於民間蠹慝情狀暖昧有人所
未聞而先生捕鞠之咸伏其辜衆稱神明建養正
書院羣諸生教之刻大學古本傳習錄以明正學
時權貴嫉之出爲蘇州守治蘇視華亭益嚴繪二
十四孝事蹟於壁以風百姓開講于學道書院連
丁內外艱家居踰十年以薦起知平陽府先是虜
謀言欲侵平陽而府庫耗竭乃多方措畫大修關
隘增城浚濠募兵製械虜果入鴈門趨平陽既有